

բարձրադիր բլուրի գագաթից եւ իմ մէջ զարթեցնում էր տխուր յիշողութիւններ: Բնութեան վսեմութիւնը, տեսարանների գեղեցկութիւնը, մասամբ Փարատում էին այդ յիշողութիւնները:

Երբ սկսեցինք բարձրանալ բլուրի գառիվերը, երբ բաւական մօտեցանք քաղաքին, Արփիարը մեզ խորհուրդ տոեց չիջեւանել պանդոկներում, այլ ընտրել մի յարմար կացարան: Բաղէշում Յաջի-Իսաղի պանդոկում լաւ խրատոած լինելով, մենք յօժարութեամբ ընդունեցինք Արփիարի առաջարկութիւնը:

– Բայց ուրիշ ի՞նչ յարմար կացարան կարող էինք գտնել, – հարցրեց Ասլանը:

– Քաղաքի եկեղեցիները աւելորդ սենեակներ ունեն պանդոկատների համար, կարելի է նրանցից մէկը ընտրել, – պատասխանեց Արփիարը:

– Դուք կարծում էք, որ դրանք պանդոկներից լաւ<sup>՞</sup> կը լինեն:

– Եթէ լաւ չլինեն, վատ էլ չեն լինի: Միայն այն զանազանութիւնը կայ, որ եկեղեցիների բակերում առանձնացած կը լինենք, իսկ պանդոկներում կը գտնենք մի խառնիճաղանջ բազմութիւն, որոնց մէջ շատ հաճելի չէր լինի մեզ երեւնալ:

Ճանապարհը ոլոր-մոլոր պտոյտներով բարձրանում էր դէպի վեր: Դաշտերից վերադառնում էին մշակները, բահերը ուսի վրայ դրած, այգիներից վերադառնում էին այգեպանները բարձած աւանակներով: Փոշին մարդ էր խեղդում: Աւելի անտանելի էին աւանակները: Երբեմն այդ կամակոր անասուններից մէկը կամ խրտչում էր եւ յամառելով կանգ էր առնում, ճանապարհ էր կտրում, կամ կողքէ-կողք շեղուելով, իր վրայ բարձած խաղողի կթոցը զարկում էր մեր ոտներին:

Վերջապէս, մտանք քաղաքի նեղ փողոցների մէջ: Անցնելու տեղ չկար: Մարդ եւ անասուն խառնուել էին միմեանց: Մենք, կարծես թէ, սանդուղքներից էինք բարձրանում, որովհետեւ փողոցները բլուրի գառիվեր դիրքն ունէին: Յայոց թաղերը բաժանուած էին մահմեդականների թաղերից: Այդ արդէն նշան էր, որ այդ տարբեր ազգերը հաշտ դրացիներ չեն եղել: Մենք դիմում էինք դէպի հայոց թաղը:

Երեկոյեան ժամերգութիւնը դեռ նոր էր աւարտուած, դեռ նոր ժամաւորները դուրս էին գալիս, երբ մտանք հայոց եկեղեցիներից մէկի բակը: Մեզ տեսնելով, ժամաւորները կանգ առին եւ խմբոեցան մեր շուրջը: Բաւական ժամանակ տուեց, մինչեւ եկեղեցու երեցփոխանը յայտնուեցաւ: Դա մի կարճահասակ մարդ էր, որի ընդարձակ, ալեխառն մօրուքը ծածկում էր ամբողջ